

余卸督署後款項無着無所措手援鄂北伐俱不得行鬱悶之極各軍權無所屬議論百出余與黎君書記所計議各事俱成空言而各方面非毀余者日有所聞余曾與金君華林密決軍需果有着則統兵北進否則獨身引退金君鄂人遠漢學長言語深謀宏識余所不及前在南京三十四條與余為同事朝夕繼談兩年武漢起事金君參謀於浙余破寧後始悉其住址屢電聘之始到暢談數次遂別而去

先是予入城黃克強宋漁父章太炎諸君聯名發電囑余出兵臨淮進窺魯豫電中有云此間同志咸以中州重鎮非公莫屬余覆電云軍需果完備當即進兵生死不敢計迨援鄂不果余遂專籌北伐之事

起事遠因

閩侯 林述慶 著

乙巳之春余由福州來江甯欲覓二三同志謀恢復祖國之事久之得趙君聲(伯先)柏君文蔚(烈武)林君之夏(涼生)伍君崇仁(壽卿)聯合軍隊將校數十人設革命機關支部於江甯使盧君鏡寰與孫逸仙先生互通消息規劃方始而端方來江南極力破壞逼萍鄉事起檄同人赴勦余與伯先涼生謀藉贛防起事留烈武為內應事稍泄端方捕黨人急由是伯先走粵烈武度遼涼生暗被端方籍束余留萍卿半載僅獲免厥後烈武無耗伯先在粵所謀多不遂己酉冬伯先以事得旋

鎮江遂東江甯約同志十餘人痛飲青溪盧君紹田家翌早伯先別去慨然曰成敗不可知吾到粵仍盡力所能為者當為之此間同志惟君與涼生數人在耳無論如何艱危君等必不可去此後得伯先書曰時至矣將有所為未幾以元旦事敗聞嗣復得書曰謀再大舉而三月廿九惡耗又至余惟隱自心傷而已及秋鐵路國有事起蜀謀獨立武漢首發難沿江人心騷然欲動余誓以此時雪祖仇報死友於是乎有規復鎮江招回海軍攻克江甯之舉

原書尚有規復鎮江及北代開始二編今從畧其有余所知而本篇未詳者謹擇要加註于過春附識

江左用兵記

聞侯 林述慶

自序

自權利競爭等語行學士大夫遂棄其數千年固有之道德節義而從事焉其究也凡競爭權之所在無所不用其極一事之生也遲迴審顧惟一己權利是衡公然視道德節義若無有又不憚百出其技以竟其競爭權利之私於是乎飾邪行文姦言結朋黨淆亂黑白顛倒是非使一時豪俊游於翬之穀中而莫之與辨此非世道人心之巨變也哉嗚呼吾為此懼當京漢舉義建業負隅風潮洶湧全局震動賴蘇浙聯軍聲威頓壯自十月初二進攻十一日城克其間血戰經旬無權利競爭之可言惟友愛之聯軍具道德節義之操相與肉薄堅城之下而已耳迨至事定一二不顧道德節義者起翻是為非變白為黑遂致此十日戰爭真況混淆莫知其究竟不佞因彙述所躬

歷目睹者一一記之一字一句皆從良知寫出若故事鋪張稍涉詐偽天地
神人實共棄之凡中間所與同謀諸君子惟趙君伯先陶君撲青楊君韻珂
林君憬南先已成名以去餘多執政於今日如覽斯記有出入之言深望嚴
詞呵責糾正其妄至蘇浙聯軍戰績卓著記中敘述頗簡非掠美攘功實以
斯記僅限不佞一人躬歷目睹者若妄加揣度反獲失實之罪是不敢也嗟
乎破壞已終建設方始民國前途儼然尚不知其終極何忍斷斷焉追述往
事以聒人蓋深恐蔑棄道德節義之夫中權利競爭之說飾邪行文姦言結
朋黨而謂可以掩盡天下之目籍盡天下之口自欺欺人使真是真非終不
明於世不佞因記所躬歷之境所目睹之事以存之或亦當世君子之所許
乎

余此次起事自始至終缺憾甚多其最甚者與余始事諸將校不能一
一位置之俾盡其長為世用中間倉卒求才用人不能以功勳才能定高

下余返里後諸凡在事人員勞績不能表見又余原帶之兵及敢死
隊於余行時依戀不捨而妄隨余出生入死備歷艱險於其身毫無
所得余回後勢必渙散無託臨別中心如割十二月初二日附車到上海
留數日返里

重印江左用兵記自序

辛亥革命光復南京之役十月十日蘇浙鎮三軍會攻天保城自朝至夕漸迫敵陣于是敵行詐降鎮軍管帶楊韻珂浙軍管帶葉仰高同時陣亡本營余管帶長青見勢危急命遇春率兵而隊赴援幸以不勝不止之精神竟夜血戰遂克天保城用是光復南京此當時戰爭之概況也鎮軍都督林公述慶本營直屬指揮之主將也時南京無主權林公就臨時都督於是有不顧大義之輩忘其功而為崇變亂黑白顛倒是非遂致戰爭真況混淆莫明矣然林公去位之後攻天保城之戰鬥尚有軍部呈報之文件舞台表演之新劇足以窺見一斑未能盡掩天下之耳目也迨癸丑二次革命失敗黨國淪于軍閥當日同志盡為亡命至是往事不堪回首矣憾何如之今幸黨國重光革命忠烈表揚獎勵無微不至遇春迫于奔走所有記籍散失無存語焉不詳無能為力對于當日忠烈之士惟有懷慚抱憾也已嗚呼此為民族興亡之戰爭為推翻滿清創造

民國之奮鬥革命光榮之歷史其竟湮沒而無餘耶痛哉今得林都督之江左
用兵記則攻寧始末廬山面目具在焉當日戰爭真況不致因忌者之為崇而
混淆莫辨矣忠烈之士或未與褒獎而留名於革命光榮之史冊亦聊足以自
慰矣去歲過春容林公故里已不勝感觸茲復得此記用是畧叙鄙懷抄錄其
中攻寧始末付工重印俾明當時戰爭真況以慰諸忠烈之忱並使後之求攻
寧戰蹟者有所考焉其亦當世君子之所領許乎

中 華 民 國 二 十 六 年 秋 季 過 春 序 於 閩 侯 軍 次

攻寧始末

余自先復鎮江後極力整頓清軍復成完全隊伍余祇善其大者餘多賴烈武相助至於進規江寧
用種種間諜方法略之如左

一、江寧方略請先言江寧省一切形勢衡之彼我兵力以戰術眼光判斷寧城為完全堅固要害
其要害炮台有五曰五龍山曰幕府山曰雨花台曰獅子山曰富貴山尚有紫金山完全失險為之
屏蔽

烏龍山離江寧城六十里許前臨長江上有二十一生的砲二尊可以擊我進攻兵艦及由龍潭
前進之軍隊

幕府山離江寧城約十里可以砲擊由堯化門前進軍隊

富貴山可以砲擊我朝陽門太平門一帶進攻軍隊

雨花台可以砲擊由句容一路前進軍隊

獅子山可以砲擊下關一帶兵艦及軍艦

若敵將此五要塞砲台防禦完備則攻甯兵力非四五鎮附以重砲隊戰期非延長三數月不為功
今我攻甯兵力鎮江一鎮其中騎兵只八十名砲只四尊餘用步槍編為步兵工輪俱缺浙軍步兵
一標騎兵兩隊砲兵一營工兵一隊輜重缺蘇軍步兵一標砲兵一營騎兵缺工兵一營港軍黎天
才六百及攻城後續到洪承點軍一千名敵之兵力約步兵十五旗每旗三百二十名共四十八
百名砲兵六營騎兵四營又新近招集步兵十旗旗兵三千名巡防四千餘名
彼此兵力懸殊既如上述以攻擊原則論斷無倖勝理故余決計施種種間諜利用民心且不欲多
流血而自相殘殺

余聯合各砲台官長使官君成緄（前金陵總台官）汪君龍高（馬龍山砲台砲首）二人專主
聯絡各砲台官長其餘尚有六人聯絡各台自兵至二十八日所有官長目兵皆聯絡堅固集鎮江
第一樓會議蓋當時張勳慮砲台為我國故傳令將到砲台巡視並點名發餉各砲台目兵懼其到
砲台事洩乃議籌對付法議決將砲台砲門潛運至鎮江俟進攻時再搬往又各台官目兵留台恐
被害悉棄所有行李潛來鎮江俟進攻時再往此余謀奪取砲台大略情形也（後黎天才軍任佔
領砲台余使官成緄汪龍高與之接洽導入烏龍幕府各砲台）

余對於張勳部下之兵布置係多派間諜入城散布種種謠言類皆張武聲威或言某日將進攻離

其軍心使人潛入城內張貼種種勸降告示對於巡防各營使昔日舊部楚人聰敏而善於言語與巡防營目兵素相識者陽為愚民說以種種利害每兵各給以余之淺明勸降書一小紙又使張勳之教練官涂光勳從中多方以誤之涂光勳江西人善說辭聞余在鎮江營夜潛來因同學見余告余張勳種種內容陳述兵力兵氣及將領性質與輜重所在甚詳又為余繪一略圖指明張勳種種布置余前所派遣以為間諜者祇具目兵知識所得報告祇一鱗半爪及得此居情形益熟此余對於張勳各軍隊布置大略情形也

先是防禦高潁步隊四營值餉期余派參謀各員前往按名發餉原為核實鄭重起見各將校同兵以此不樂摩起謗說大略謂余辦事太嚴有私心以自己所帶之營留鎮江以他營出禦又自己原有將校多用於軍政府他營將校則置前敵又謂余在鎮江飲食起居如王者一時訛傳幾欲倒戈其實余始事時即拿定公誠二字余所部之營已分半數赴清江浦招撫散兵所餘在鎮者半為防禦旗人搬運後方各種物品四五晝夜未眠勞苦較前敵有過無不及余綜理諸事形神俱疲方謂各將校目兵或能見諒及得此信慘然淚下於二十七夜府中諸人睡熟獨坐沉思肝腹盡裂遂代案作信告前敵將校兵士約數千言書畢天已欲曙後此書重經特派專騎送往祇傳到兩營其餘尚未之見時因徐固御已進兵遂不待鎮軍準備完善繼續出發

初五日以前鎮江情形及布置既如前述時鎮軍尚有一協槍械未齊固鄉初二日進登樓青危之先是梁君喬山來余告以種種情形且謂之曰如此余若不能維持必奉辭告退梁再三勸余容忍且謂當即至蘇浙極力設法堅囑勿萌去志二十八日得梁君函謂已設法推程雪樓為海陸軍總司令一切進攻方略悉照余所規定斷不至有絲毫掣肘書末云外間多議君舉職輕敵須慎處之余得書惟告樸青梁君湘鄉人慷慨血性在南京大觀樓一見如故時雪樓雖為總司令尚未到樸青請自往催程速來余以此次倉卒舉事各種人材缺乏本府秘書惟林君丙南一人與余意見相合緊要文告皆出樸青丙南或余自為之若陶赴蘇丙南體弱不耐繁劇未遽許陶云去一二日何妨余諾陶君遂行

時固鄉在龍潭馬羣間屢電促在鎮軍隊速進然所餘軍隊僅一協且槍械未到不得已遂決初六日前進是晚下前進命令以鄭權為留後初六日早晨六時出發至車站候車少頃烈武到蓋昨晚余囑其同赴龍潭一行時車站寬且塵或武裝整隊以俟或運送行軍雜具糧秣余獨立沉思見各將校目兵武裝之不完全後方兵站補充物品之未齊備又念前敵各營不諒余心而張盤據堅城多方設備雖劇戰未必遽勝此著成敗關係甚大屢慮交集車到遂慨然登車

在車中烈武授余密報一冊蓋烈武於南京方面專探張勳消息渠既赴浦口無所用此余略閱一

過文許參謀崇灝收藏烈武密告余云前敵各營前日聯名上書言君膜視各營私於向弊之
聞之心甚抑鬱

余對烈武言余此行盡余心為之事成余必卸鎮江都督另謀統兵北進否則恐無可為耳與
默然

車到龍潭前敵各營已進馬羣余因糧食先命留龍潭不能遽進遂命下車在小廟宇駐紮少頃
南到欲向馬羣尋徐國卿與談良久為禿獨輪車派兵護之前往

飯畢出週視形勢遇某團人五恐為偵探囑實兵隊官覓一民家便為華中第一行為要處金他
回時見衛隊敢死隊尚有未剪辮者遂令一律剪除各兵聞令甚樂旋因小前哨和剪去時余胸
或親為剪髮自兵悅甚

各處設警戒隊及料理諸事畢烈武即時附車回鎮江余倦甚小睡定翌日早續續進發是夕
昌來電云

漢陽血戰五晝夜敵兵抵死進取我軍漸退圍守漢陽城中勢極危迫華商大局艱即分路
海陸軍隊星夜來援至盼至禱元洪麻印

余得電知湖北危迫至極心為煩憂電秘來言布當電鎮江海軍處吳君振南迅速酌派兵船助

赴援

初七晨乘車至堯化門少頃雪儘到因至火車與晤談告以前敵情形且力言城守可破一不敵
駐師堯化門今公到此余立即前進原定之處留公駐紮雪接唯余下車向進軍時行自
連聞幕府山砲聲隆隆心甚悅沿途見受傷目兵陸昇至堯化門過往鎮江橋官甚歡之令各
如見傷兵過者一律行軍禮表敬又進數密達達見數十騎來最前一騎云係前參謀忠環未幾到
遂各下騎詢午後被執戰狀顧君云今日無戰事惟第一次浙軍在孝陵衛附近大戰獲勝後彼此
俱未接仗問何往答赴堯化門程雪樓處遂行時隨行與余素相識某國人五六微令蓋於白布
上為通憑証余諾之再行一小時許前騎報曰離馬廐祇數百密達矣余下騎俯圍於地與各參謀
定駐紮林莊先遣將校前探適否回報適用遂向林莊進發莊中祇一小廟周圍不過三十宇遠廟
中滿堆農具穢氣逼人不可近遣護兵購稻草數十束於草穢狼籍中權厠度草鋪地尺許安臥其
上是日未午餐因商居民煮脫粟飯數甌野菜數盞行一飽晚冷其輾轉終夜不得眠是夕遂得
君宋卿之電如左

武昌來電鎮江林都督鑒鏡清等兵艦已同情現武昌防守吃緊祈撥半數來鄂補助為盼鄂都督黎元洪虞印

大局危急

武昌火急鎮江林都督鑒當敵寇漢陽頗難支持甯下務即派大兵臨鄂惟兵艦必先飭兼程來愈速愈妙元洪陽印

武昌來電各省都督鑒敵處血戰六晝夜敵兵恃火器較利即悉軍攻漢陽城內不能守我軍擬據守武昌城中待援大局危急異常懇即刻分別遣派陸海軍隊星夜兼程來援禱切盼切元洪陽印

余得電知湖北情形益迫遂電鎮江云

鎮軍政府轉吳張兩君鑒軍事將了聞武昌頗不穩請商派兵艦數艘前往救援俟此間稍定再以太兵續進慶虞

電去後得覆電云

大急林都督鑒慶虞急江元楚有決明早開鎮南建安以趕裝三海軍火一便即行通濟保民不修不能開駛今擇其要者修完趕日內即開鄂海軍處虞印

初八日晨起準備赴馬羣臨行時得因鄉誼謂聞余到甚喜盼余就商一切遂赴馬羣徐所居為民廬一所前後分為兩座落前座一大間寬約二十密達深約十五密達左隔新圍一小小板屋再進隔一院乃入後座却有三間中一廳左右兩廂其後一廚再後一空圍

江左月兵記
余初進屋知徐居新木板所圍小房內推門入徐云老弟此來甚好現正在危急中余云吾兵已臨
敵人城下破城在旦夕何云危急徐云湖北數電告急又聞段祺瑞動旅將由津浦南援若城不破
則大危余云余已分兵烈武赴浦口截之料無妨時浙軍朱立隊長瑞并團長鎮軍劉協統咸參謀
陳懋修等乃封俱在室余謂徐云公對敵人如何布置徐以棹上紅格紙五六張示余曰如此攻擊
請君酌之余略視一過紙中繩頭行書約千餘字大概以蘇軍攻雨花台浙軍攻朝陽門鎮軍攻太
平門於初八日十二時開始攻擊先以幕府山小砲臺之炮示威各步隊接續進攻用炸藥轟開城
門然後擁入未幾橫街由上海到余以紙授橫街徐云請正參謀通視一過如有不妥可以更正橫
街據據持筆且看且改徐又謂余曰老弟以為如何余未答良久曰現炸藥尚在馬羣刻下四時半
矣若將炸藥分配畢天已近晚晚間野外路途不熟運送炸藥於散兵線必有疏失徐默然有頃適
蘇軍劉協統之深劉徐云君來真巧遂以合同攻擊命令授劉劉唯唯與各軍支隊長互談片刻旋
各歸隊去

未幾砲臺官官君成鯤到曰幕府山砲台子彈已罄所餘惟小子彈余曰余在鎮江臨行時當電上
海催促運何尚未到且余在鎮江車站曾聞砲隊管帶徐朝言正在運送何以遲遲至今心甚焦
急徐即告以今晚攻擊方法官願躊躇即出余亦出行立於庭陳君子堂為余言如此攻擊恐不能

行時陳君懋修分配炸藥敢元隊隊長唐桂對余言此等炸藥係用電放始能爆發此間無電余何
余亦無法惟囑令領去沉思良久以為如此實行攻擊斷不得手敵若乘勢突出豈不甚危即不然
全軍銳氣喪盡何能再戰余以此事往來胸中欲入與徐言適徐出遂告之徐意亦動云請問正參
謀來未幾至余陳種利害陶云為時已晚不及收回命令矣徐云只得聽之余遂不言
回首見內室堂中列一棹棹上堆落花生（即長生果）某國人四五圍棹剖食余入室某國人俱
起立握手畢各坐下余不諳某國語不能寒暄中有能英語者然不能詳余欲詢戰法為參考遂挽
能某國語者為譯

某國人拂棹布圖陳說一番約與徐布置略同某國人詢余布置如何余漫答云大概亦與君等同
意遂出按徐命令係夜間十二時以後司令部移至麒麟門余因前晚未眠欲稍睡到宿所時復得
陳君宋卿兩電云

火急鎮江林都督鑒乞速派六楚艦赴滬赴裝三海艦子彈來鄂免由鄂帶回六楚彈藥犯甚鄂
都督黎元洪庚印

火急鎮江林都督鑒陽電悉揆實將下速催水陸全軍援鄂元洪庚印

得電後當轉鎮江海軍處迅速照辦並答覆黎君又電杭州請設法援鄂得覆電云

林都督鑒躬蒞前敵親抵堯化門已扼甯省之衝柏統制宣勤浦口相得益彰潛惟盼光復愧甚
浙亦添派援鄂之軍矣浙軍政府印庚

後得宋君教仁來電當即電揚並烈武原電云

上海來電加急林都督鑒得確音山東兵復反將由鐵道經徐州南下請嚴防並電揚州分府邀
擊教仁齊印

屆時徐之司令都出發余亦隨同前進是晚天黑不易行加之各軍行李擁塞途次余之衛隊及敢
死隊佇立途中一小時不得動余令繞村外小路暗中摸索頗苦未幾抵麒麟門村落前約二百密
達許余衛隊按小哨法配置畢赴徐所

隨余來甯之將校參謀及各科員出發時編為將校義奮隊前進是晚同余跋涉山嶺間無一懈者
殊為可敬

入徐室樓青樵修乃封乃登兄弟並蘇軍參謀張一爵等俱在互談一小時許聞砲聲隆隆未幾槍
聲作因邀張陳茅出外觀戰初出屋行數十步見太平門方面火光燭天余以為城內放火心中竊
喜蓋余曾約巡防隊如有機可乘則放火開城也

余遂與陳張茅並隨帶參謀將校登馬房山頂遙望雨花台朝陽門太平門方面但聞槍聲不絕陳